



CONCLUSIÓNS

do equipo autor deste informe

Primeira. O crecemento económico galego en 2011 foi dun 0'3%, por baixo dos promedios estatal (0,7%) ou da Unión Europea (1,5%). No período 2008 – 2011, a diminución media do PIB de Galicia (-1,02%) quedou a un nivel parello á media española (-1,05%).

Segunda. A favorable evolución do comercio internacional galego en 2011 (suba dun 8,1% do valor das exportacións e baixada dun 5,5% do valor das importacións) foi o factor clave para conseguir o crecemento do PIB (aínda que fose lixeiro). A taxa de cobertura do comercio galego co estranxeiro quedou nun valor moi positivo (132%), con 16,6 puntos porcentuais máis que no ano 2010. Pola contra, incrementouse o déficit comercial que presenta Galicia co resto das comunidades autónomas, baixando a taxa de cobertura nun 6%.

Terceira. A inflación de Galicia en 2011 foi dun 2,5%, seis décimas por baixo da do ano anterior; nun nivel parello á suba media dos prezos ao consumo no promedio estatal no último ano.

Cuarta. De acordo cos datos do Directorio Central de Empresas do INE, o número de empresas decreceu por terceiro ano consecutivo nas catro provincias galegas. As empresas galegas diminúen ó inicio de 2011 en 2.339, cun decaemento do 1,18% con respecto ó ano anterior-, representan o 6 % do total estatal, das que ao redor da metade non teñen asalariados (capítulo 2)

Quinta. O gasto en I+D de Galicia supón para o ano 2010 (último dato dispoñible) o 0,96% do PIB, unha porcentaxe igual ó do ano anterior; lonxe da media estatal española (1,39) que medra anualmente unha centésima.

Sexta. Galicia conta con 48 sociedades laborais inscritas no ano 2011. Nelas, 129 son socios de traballo e 29 de capital. Respecto das cooperativas inscritas no ano 2011 rexístranse un total de 48, cun total de 1.459 socios. Tanto o número de sociedades laborais como o de cooperativas ven minguando nos catro últimos anos, sendo unha clara manifestación da desaceleración económica que vive o sector. Por provincias, o maior número de cooperativas inscritas rexístrase na Coruña cun total de 17 e Pontevedra con 12.

Sétima. No ano 2011 baixou menos o emprego en Galicia (-1,8%) que na media española (-3,3%). A taxa de ocupación galega diminuíu en 2011 nun 0'7% e no promedio do Estado máis do dobre (1'6%). Xa que logo, pechouse nun punto o diferencial entre as taxas de ocupación de España e Galicia.

Oitava. A poboación desempregada subiu un 18% en Galicia no ano 2011 (e o crecemento medio estatal foi dun 12'3%). A taxa de desemprego de Galicia en 2011 foi dun 18,3%, o que supón quedar 4'6 puntos porcentuais por baixo da media española.

Novena. Os datos do paro rexistrado reflicten un aumento do 8,82%. No conxunto de España producíuse unha subida do 7.86%.

A taxa de paro rexistrado alcanza o 19.66% en 2011, presentando un peor comportamento no caso das mulleres, chegando ao 21.66%, fronte ao 17.92% do colectivo masculino, pero cunha tendencia a reducir as diferenzas.

Por sectores de actividade, é no sector servizos onde máis demandantes de emprego se concentran, pero é no sector da construción onde se experimentou o maior aumento no 2011, cun 16.29% de incremento.

Décima. Mantense unha maior representación dos homes na contratación (51.34%) fronte ás mulleres (48.66%) que vai unida a un maior uso dos contratos temporais, dos contratos a tempo parcial (65,787%) e cunha redución nas contratacións indefinidas a mulleres, chegando en 2011 ao 41.12%.

Hai que destacar que seguen existindo modalidades contractuais eminentemente femininas como o de interinidade (72,76 %), o de fomento de emprego e o de prácticas que volve a superar aos concertados con homes. O sector servizos e ocupacións como empregada administrativa e traballadora de servizos de restauración, persoais e de comercio manteñen a maioría feminina.

Undécima. Polas características do traballo das mulleres (máis traballo a tempo parcial, subrepresentación en postos altos, menor antigüidade media, maior temporalidade, categorías menos retribuídas altamente feminizadas, etc.), as mulleres galegas percibiron un salario medio anual un 23% (24.8% en 2010) inferior ao do home e o 33,36% das mulleres galegas tiveron ingresos iguais ou inferiores ao Salario Mínimo Interprofesional.

O importe medio das prestacións por desemprego percibidas polas mulleres galegas foi o 82% das prestacións recibidas polos homes. De igual forma, as pensionistas galegas tan só percibiron como media o 73.96% das pensións do grupo de homes.

Duodécima. As excedencias para o coidado de familiares foron solicitadas por mulleres no 83.6% dos casos. Porcentaxes similares danse nas excedencias por coidado de fillo/a (93.7% de mulleres). Do total de persoas que realizan un traballo a tempo parcial por coidado de nenos e nenas e adultos enfermos, incapacitados/as ou maiores, o 96.11% son mulleres.

Décimo terceira. No ano 2011 redúcense as contratacións en 9.096 contratos.

Do total de contratos rexistrados, o 92% fórono baixo unha modalidade de duración temporal, e só o 8% o foron de forma indefinida.

A modalidade contractual máis utilizada segue sendo o contrato eventual por circunstancias da produción (42.11% dos contratos iniciais) En segundo lugar encóntrase o contrato de obra ou servizo determinado (35.81% dos contratos iniciais). O contrato de interinidade é un dos poucos que veu aumentada a súa representación. A contratación temporal no sector privado, chegou ao 23,7% no colectivo masculino e ao 27,4% no feminino. No sector público situouse no 17.3% e 26.8% para homes e mulleres, respectivamente. A rotación dos asalariados galegos foi de 3,14 contratos eventuais por cada traballador e a rotación das asalariadas galegas alcanzou os 2,77 contratos.

Décimo cuarta. Con datos da Seguridade Social, no ano 2011, diminúen globalmente as cifras de empresas en alta, sendo a excepción os réximes especiais agrario e do mar; resaltando que o 88,3% das empresas teñen menos de 10 persoas traballa-

doras, e a ocupación elevada de persoas traballadoras en empresas cuxa titularidade corresponde a persoas xurídicas.

Décimo quinta. Continúan a facerse patentes os efectos da crise en 2011 e o número de afiliados/as á Seguridade Social diminúen en media anual en 22.800, tras a baixa de 22.200 en 2010 e 42.900 en 2009. O descenso dos activos/as prodúcese en todos os sectores da actividade, en especial na construción: o 11,65%.

Décimo sexta. A relación activos/pasivos no sistema da Seguridade Social ven a afondar en 2011 o signo negativo: maior incremento dos perceptores de prestacións en relación cos afiliados, producíndose en Galicia unha diminución de 5 décimas e pasando a representar 1,35 cotizantes por pensionista, fronte ao 1,97 do conxunto do Estado (seis décimas menos que en 2010).

Décimo sétima. Diminúen en computo anual ao fin de 2011 as afiliacións á Seguridade Social no colectivo das mulleres en preto de sete mil duascenas deza-seis cotizantes, se ben estas pasan a representar en decembro do citado ano o 47,32% do total dos afiliados/as en Galicia.

Décimo oitava. Da formación de demanda dirixida á poboación ocupada en Galicia beneficiáronse 36.726 empresas, das cales o 44,3% foron as pequenas e medianas empresas de entre 1 e 49 asalariados.

Na devandita formación participaron en total 170.482 persoas, realizándose ata 5.400.651 horas de formación. Do total de participantes formados, 103.096 foron homes (un 60,47%) fronte a 67.386 (un 39,53%) participantes mulleres. A maior porcentaxe de participantes concéntrase nos dous grupos de idade de entre de 26 a 45 anos en ambos sexos.

Un 49,2% dos participantes completaron a súa formación de xeito presencial, mentres que un 29% faíno a distancia, producíndose unha combinación mixta de ambos os dous modelos nun 16,7% de casos.

As accións formativas con maior número de participantes son *Prevención de riscos laborais en xeral* (24,4%), *Xestión de Recursos Humanos* (6,7) e *Manipulación e Control* (5,9).

Décimo novena. O total de accidentes en xornada de traballo experimentou, en 2011, un descenso do 15,21%, sendo máis significativa a diminución nos accidentes mortais cun 18,46%. Mantense, polo tanto, a tendencia decrecente que, coa excepción do ano 2003, se iniciou no ano 2008. Na clasificación por actividades económicas dos accidentes, a construción segue sendo, con gran diferenza, a actividade que máis siniestralidade rexistra.

Vixésima. Galicia, no total de accidentes, está por enriba do índice de incidencia estatal, tendo cinco comunidades maior índice de incidencia. No índice de incidencia referido a accidentes mortais, Galicia ocupa o segundo lugar das Comunidades Autónomas, cun índice que está 2,5 puntos por enriba da media estatal. Na evolución destes índices en Galicia, obsérvase claramente unha diminución en relación cos anos anteriores.

Vixésimo primeira. O número de convenios colectivos que existen en Galicia a 31 de decembro de 2011, xa sexan vixentes ou prorrogados tacitamente, é de 830, dos cales 126 son de sector e 704 de empresa.

Asináronse por primeira vez este ano 17 novos convenios (todos de empresa), continuando deste xeito a tendencia ao incremento do número dos mesmos.

Vixésimo segunda. O incremento salarial pactado nos convenios colectivos asinados e revisados en 2011 foi do 2,82%. Esta media é superior ao IPC galego deste ano, que foi do 2,5 e tamén ao estatal que foi do 2,4%.

○ 36,97% dos convenios asinados e o 53,33% dos revisados recollen cláusulas de revisión salarial, mentres que o 53,85% dos convenios colectivos de sector asinados en 2011 recollen cláusulas de desvinculación salarial.

○ 94,96% dos convenios asinados recollen cláusulas sobre saúde laboral.

○ 65,55% dos convenios asinados recollen cláusulas sobre discriminación e/ou acoso.

○ 15,97% dos convenios asinados recollen cláusulas sobre o idioma.

En 9 convenios (1 de sector e 8 de empresa) indican a distribución irregular da xornada e noutros 17 (5 de sector e 12 de empresa) indícase a posibilidade de establecela.

O número de convenios colectivos que recollen cláusulas de sometemento ao AGA foi de 54 convenios, o 45,38% do total dos asinados.

Existen cláusulas sobre fomento da contratación indefinida en 49 convenios (41,18% dos asinados) que afectan a 62.072 traballadores/as (45,35%), sendo 16 deles de sector e 33 de empresa.

Vixésimo terceira. O número de folgas provinciais realizadas experimentou un claro descenso na relación cos anos anteriores, aínda que se aprecia un incremento no número de días de folga, traballadores participantes e xornadas non traballadas.

Vixésimo cuarta. En expedientes de regulación de emprego, tanto os expedientes como o número de traballadores afectados se incrementaron sensiblemente, o que reflicte que continúa a situación que, durante estes últimos anos, afecta gravemente ao mundo laboral.

Vixésimo quinta. O número de perceptores/as da prestación económica de desemprego tras o aumento de máis dun 38% en 2009 e o 14,88% en 2010, diminúen en 2.800 situándose en 146.900 en media anual que supoñen só o 5,16% do total estatal. A metade dos perceptores en Galicia o son dunha prestación asistencial (subsídio o renda activa de inserción).

Vixésimo sexta. Analizando os resultados dos procesos electorais en Galicia durante o período de catro anos, e tendo en conta os representantes con mandato en vigor a 31 de decembro de 2011, a central sindical UGT, cun 30,23% do total, é a que obtivo maior número de representantes (5.337), seguida de CC.OO. e CIG cun 29,61% e un 26,04% respectivamente (5.28 y 4.597 representantes), acadando o 14,13% o resto das centrais sindicais e grupos de traballadores, (2.494 representantes).